

ندمان أوي

اخترت والا أقول قدر
أكبر خطر
إنك تسلم للخطاوي سكتك
إنك تعيش مكتوف إيديك
تسمع وتسكت والسكوت بيموتك
أكبر خطر
إنك تعيش وتقول قدر
وما بين كلام ونصيب
تفوت كل الأمانى
زي صوت نبض المطر
برتابة التكرار
وخوف ساكن عنيك
تتمد ايد
وتخاف تمدلها إيديك
ليكون خطر
وتعيش ما بين كلمة نصيب

تختار غلط وتقول قدر،،،

لأ مش قدر

ده الظلم لما يكتفك

وتلاقي نفسك ماشي معصوب العينين

هربان من الضلمة اللي جواك

بس فين؟؟

مافضلش غير السكتين

اما تكمل أو تعود بوداع حزين

ولرفضك الدائم تعود

لازم تكمل سكتك

لازم تموت

ويفيد بأيه بس الحذر

ما انا لعبه في ايدين القدر